


Konday-izetaray fondawey



1. Dumarawey goyoo

Dumaray kabila boobo goo Gaawo nda Tunbutu areežiyoney ra. Ngey goyoo sii kala ngey kabilawey bande. Dumarawey zayyanoo ga hin ka tee :



- nda baguyan (konbiter),
- dobuyan ga (banaku),
- tee doguyan banda ga (tamaati),
- sayayan hinne (duuri).

dumaray kabilawey kaŋ ga boobo areežiyon hinkaa ra ti : konbiter, masaku, bananku, albasar, koyra moli, tamaati, duuri, salaati, šuu, ncirinfɪ nda taba.

1.1. Konbiteroo goyoo

Jiyaw waate no konbiteroo goyoo ga boori. Jiiroo handey kaŋ ra a si hima ka tee kul ti wey kan ra ncirpi ga kaŋ, sanda ut handoo. A ma huru labu doona ra kaŋ si hansa ka tay. Adabba ziibi ma huru laboo ra k'a kaanandi.

- oktooburu handoo ra konbiterey ga fiya laboo ra haia i ma bagu ka niineyaŋ tcc.
- jirbi 10 ga i ma hun laboo ra ka dunbandi. Dunbu foo kul ma bara nda nga niinoo, amma niiney.kaŋ ga kacca



ma bara dunbu follokaa ga nd'a gar i
goo cere jere ga.

- dunbey kañ ga niiney goo ma fija
fangalyañ ra kañ laboo tun ka boori. I
ga hin ka fija leleba-izeyañ ra kañ
golsuyañ g'i fay. Santimeetar 25 wala
30 bara guusey nda cere game,
santimeetar 40 hala 50 ma leleba-izey
fay.

Ziiboo danyanoo

Ziiboo ma hansa ka kaasim laboo ra. Boro ga
hin ka angere fo dañ kañ se i ga nee disdisweñ.

Subey zafayanoo

Za dumayanoo handu jinaa ra borey ga hima
ka subey zafa. Zafari hinkante ga hima ka tee.

Turungusey hansayanoo

Konbiter cee foo kul turungusu ma huru a ga
itawey cire. Handu hinka dumayanoo banda ga no
turungusey ga tee.

Haṅandoo

Haroo masi hansa ka boobo kontibeterey ga dumayanoo jirbey ra. Woo mma kate i ma funbu. Amma kanbiteroo ga baa hari boobo waati kaṅ a sintin ka hay. Nda a too ninyan ga hala fitawey sintin ka woole kul haṅandiyano ma kayna wala a ma kay zaati.

Hegaa

Handu hinza banda ga a ga tee.

Konbiteroo hegaa kanbeyanoo

Bi yayna ra boro ga konbiteroo kanbe. Sanda tuuri cire kaṅ waynaa si duu a, wala tenda cire, wala hugu ra kaṅ miyey nda funetarawey si daaba abada. A ga hin ka too hala handu hinka nda kanbeyanoo boori. Nda boro ga baa konbitero ma gay kul ni g'a bere k'a ti hamni. Taka foo nda woo ga tee :

- konbiteroo kokosoo kul mma hun a ga, a ma šaṅa ka ti zuu mariyuyan
- a ma yenda biyoo ra hala a ma kogu jina boro m'a dur k'a tee hamni.
- borey ma ma konbiteroo izoo ṅaa, amma kunturey nda fitawey ga nondi almaaney se.



1.2. Masakoo

Masakoo fariyanoo ga hin ka tee za oktooburu handoo hala awiril. Laboo kaṅ ra masakoo ga huru ga hima ka ban a ma bara nda guusay.

Kunturey dumayanoo

Kunturey kaṅ ga sinja laboo ra ga hima i ma saṅa, i ma nin, i ma salle. Ngey kuuyanoo masi bisa santimeetar 25 wala 30. Korey nda boṅey kul ma dunba. Kunturey si hima ka bisa ler 12 i mana huru laboo ra. Boro mma kunturoo siiri k'a fiji hala nga zemna hinzanta fa de ma cindi taray, koroo here nda a ga fija. Fangaley kaṅ ra kunturey ga huru laboo ga hima ka don. Nda turungusu ra kunturoo ga huru turungusoo tefayyanoo ga hima ka too santimeetar 60. Nga koybeeneyanoo ma too santimeetar 30.

Ziiboo danyanoo

Adabba gurunbu ton foo wala affoo nda jere ma wasa ekitar foo se.

Subey zafayanoo nda laboo tunandiyanoo

I ga hima ka tee cee boobo za fitawey mana laboo kul daabu.

Haɗandoo

Dumayanoo jirbey nda waati kaɗ kunturey sintin k'ize tee, a ga boori zaari hinka ka kaa zaari hinka kul haɗandoo ma tee. Nda masakoo too ninyan ga haɗandoo ga hima ka kacca.

Hegaa


Handu hinzantoo ka huru handu itaacantoo ra hegaa ga tee. Masaku wargey kaɗ nin no ma jin ka hegay.

Masakoo nafaa

Masakoo izoo ga ɗandi, nga fitawey ga huru maafa ra. Almaaney da ga fitawey nda linjey kul ɗaa.

Masakoo kanbayanoo

Boro kaɗ baa nga m'a kanbe ka gay ga hin ka takaa da tee a se kaɗ ga tee konbiteroo se.



1.3. Banankoo

Koron ka kaa kaydiya no nga fariyanoo ga tee nda bananku korey zay ka boori i ga hin ka koogaa ganda. Amma koogay kuku g'i ganji i ma tonton, a ga ngey fitawey kaɗandi. Labey kaɗ ga boori masakoo se da no nga mo ga bag'ey.

Banankoo goyey misey

Banankoo goyey si tee kala nda takaa woo :

- laboo sooluyanoo :

Boro mma zarawey kul zafa kaɗ zay jina, ma laboo tunandi ka boori.

- Ziiboo danyanoo laboo ra :

Ton 2 wala 2 nda jere ma wasa ekitar foo se.

- Kunturey dumayanoo :

Ɗaɗey kaɗ ga hunturey ga hun ga hima ka too handu 8 ka ziji. Kunturey kaɗ ga hin ka duma ti wey kaɗ ga warga, i ga tiina. I ma dunba hala zemnari foo kul kuuyanoo masi bisa santimeetar 15 ka koy 20.

Affoo kul ma bara nda moo boriyo 5 wala 6. Laboo kaɗ ra war ga kunturey fiji ma tay, a ma kani ka boori. Nda war baa mo war ga leleba-izeyaɗ tee i se kaɗ ga haroo ganji a m'i yoole. War ma kunturey miyey bere beene nda war g'i sinji. War ma laboo marga hala a ma boori kunturu foo kul cire. Santimeetar 85 wala meetar foo ma bara kunturey nda cere game. Nda leleba-izeyaɗ no war n'i tee hinnaa din da ma i fay.

- Subey zafayanoo nda laboo tunandiyanoo

A tilasu wey ma tee dumayanoo jirbiyye jinawey ra.

- heгаа


Kabila fooyaɗ ga hegay handu 8 banda ga, jerey kala handu 12. Boro mma hanga bananku naɗey sorrowey bande ka linjey ceeci. Huriyaa kaɗ nda war ga banankeɗ dunbu ga hima ka ban. War ma santimeetar 2 wala 3 naɗ kuntoroo here. Meetar gande 100 faari ga kate bananku kilo 100 hala 200. Kunturu dumanta 1200 ga hin ka duwandi a ra. Hegaa ga hima ka ben handu foo nda cere game.

- Nafaa

Adama-izey ma linjey ɗaa, adabbawey wane fitawey.

- Kanbeyanoo

Bananku si hin ka hansa ka gay hegaa banda ga (jirbiyaɗ). Boro mma a hegay k'a ɗaa wala k'a neere tanba. Amma nda boro ga baa m'a ti hamni kul ni ga hin k'a feferi, m'a ŝaɗ-ŝaɗ, m'a kogandi, jina m'a dur.



1.4. Albasar

Labu tija kan ra hari boobo goo no albasaroo ga bagá. Ziibi ma kaasim laboo ra k'a kanandi.

Albasaro goyey misey

- labo sooluyano

Boro mma jin ka ziiboo kanandi laboo ra jina n'a zafa gumo. Beeruma banda ga fangaley ma tee, ina i ma hañandi ka boori.

- dumayanoo

nda boro baa :

ni ga albasar kaccey zaa k'i dañ laboo ra
ni ga izey say ka i ti tee jina ma kaa k'i tilam.

Teewaa ga hima ka duu handu foo hala a ga too tilamyan.

Taka kan nda dumayanoo tee ka ben kul si ganji war ma albasaroo hañandi ka boori. Santimeetar 35 ga hima ka bara korey nda cere game. Noowanburu handoo ra dumayanoo ga boori.

Subey zafayanoo nda laboo tunandiyanoo

Handu foo dumayanoo banda ga no i ga jin ka tee. Affoo ma yee ka tee koyne ijinaa banda ga.

Ziiboo danyanoo

Za albasaroo mana zay ka too nga boñ no ziibi ga hima ka huru laboo-ra a se. Ziibey kan ga boori a se ti tuuri boosu nda fosufasu.

Hañandoo

Alaasar baana ka huru almaari ra kul hari boobo ma huru.

Hegaa

Handu hinzantoo ra a ga sintin. A ga hin ka ben hala handu foo wala handu foo nda jere banda ga.

Nga nafaa

Fitawey nda izey kul borey g'i naa.

Albasaroo kanbayanoo

Nda boro na fita tayey dur, k'i jinjiri, k'i kogandi kul i ga hin ka gay ni kone. Albasar ize ayey ga hin ka goro boro kone hala handu 2 wala 3 id'a gar i goo nongu yayna ra. Boro ga hin k'i dur, c'i kogandi, k'i haagu.



1.5. Duuroo

Duuri kabila hinza ma bayrandi Gaawo nda Tunbutu areeziyonney ra. I mana ti kala : koyra duuroo, duuri kaccaa nda duuri kanbe boobo koyoo. Duuri kaccaa goo nda dumi hinka : woo kan se i ga nee gaaranel kan izey ga kuu nda woo kan se i ga nee piker kan izey ga duura 1986 da no pikeroo kaa ir laboo ga.

Duuri kanbe boobo koyoo si tar ka nin. Nga mo 1986 da no a huru ir laboo ga. Duuri kaccaa nda ir koyra duuroo goo nda fita boobo ka bisa ize. Amma duuri kanbe boobo koyoo izey bisa nga fitawey.

Duuroo goyey misey

laboo sooluyanoo

Ziiboo mma huru jiina laboo ma zafandi ka oori. War m'a kanandi cere bande. Fangaley ma e, i ma hañandi ka boori.

Sayaroo

Nda koyra duuroo wala duuri kaccaa no kul ize wala 4 no ma huru guusu foo ra. Nda duuri kanbe oobo koyoo no ize 2 wala 3 ga wasa. Meetar foo a cindi duuri korey nda cere game nd'a gar laboo a kan. Meetar jere ma cindi gamey ra nd'a gar boo si kan. Guusu foo kul ma too santimeetar 2 ala 3. Jirbi iyye banda ga duuroo ga zay.

Hañandoo

Hari boobo ma huru za duuroo sintin ka zay ala boosuyanoo nda hayyanoo ga.

Subey zafayanoo nda laboo tunandiyanoo

Cee hinka no i g'a tee zayyanoo ka kaa boosuyanoo ga.

Hegaa

Handu 3 banda ga no koyra duuroo nda duuri kaccaa ga hegay. Jirbi 100 banda ga duuri kanbe booba koyoo ga hegay.


Duuroo nafaa

Borey ga duuroo izey hina k'i naa, fitawey mo ga hin ka huru hoy ra. Duuroo kunturey nda nga fitawey ga boori almaaney se.

Duuroo kanbeyanoo

Za hegaa tee no boro ga fita tayey marga k'i haw cere ga (banbuka). Boro g'i jisi tuurinaa boñ, wala hugu boñ, wala buwa boñ hala i ma kogu. Nda i kogu kul i ga hin ka nondi almaaney se.

Duuri izey kan kogu nda kokosey ga hin ka gay i ga jisa nda takaa din da. Nda boro ga baa ka duuroo naaroo kanbe, a ga boori nga nda dawtaasi baana ma kasim cere ra.



1.6. Koyra moloo : kankani

Koyra moloo ga hin ka duma jiroo jere aabaa kul ra. Amma kaydiya si hansa ka tee a se ama haroo g'a ganji a ma hay nda woo kañ ga ima. Koyra moloo si baa labudiini amma dawtaasi la si a nafa. Laboo kañ ra a ga huru ga hima ka don, ma kan. Laboo si hima ka hari kanbe amma alaada iibi ga hima a ma gay nga laboo ra.

Takaa woo nda koyra moloo fariyanoo ga tee :

Laboo sooluyanoo

Za oktooburu wala noowanburu handoo a boro ga laboo tunandi gumo, jina m'a sasawandi da beene.

Dumayanoo

Moliize 3 wala 4 ma huru guusu foo kul ra kañ ga too santimeetar foo wala 2. Meetar foo wala affoo nda jere ma bara guusey nda cere game.

Subey zafayanoo nda laboo tunandoo

A ma tee cee foo wala ihinka za moloo fitawey mana laboo daabu.

Hegga

Hegaa ga tee jirbi 100 ka koy 150 dumayanoo banda ga zaman ra kañ mana ti kaydiya. Nda kaydiya waate no jirbi 80 wala 85 ga wasa. Moli kilo 200 ka koy 450 ga hin ka duwandi farru ra kañ si bisa meetar gande 100.


Moloo nafaa

Hayey kañ almaney g'i n'aa moloo hegaa banda ga ti nga fitawey nda nga linjey nda kokosoo.

Moloo baaloo nda izey (fonbu) no borey g'i n'aa. Moli-izey mma haaga jina i ma n'andi.

- Moloo kanbeyanoo

Nga kanbeyanoo ga sendi moloo kañ hegay ga hima ka jisa nongu yayna ra. Ba woo din ra a si hima ka handu foo hoo.



1.7. Tamaatoo

Ba kanj tamaati ga hin ka fari waati kul war ma y kanj jiyaw waate no a ga tee ka boori. Tamaati bilayan ga bara kanj ga hin ka fari kaydiya waate. nma i si hay boriyo.

Takaa kanj nda tamaatoo fariyanoo ga tee
sooluyanoo

Boro mma laboo beeri jina ma fangaley tee.

tilamoo

Jirbi 30 wala 40 no teewaa g'a tee jina moo ma kaa ka tee fangaley ra. Tamaati korey boro g'i suuba k'i tilam ti wey kanj si kuu amma saja. Ngey kayyanoo ga hima ka too timeetar 15 amma i ma bara nda fita 5 wala 6. ce 2 wala 3 no ma huru guusu foo ra, santimeetar wala 35 ma bara guusey nda cere game.

Hanjandoo

Tilamoo ma gar fangaley hanj cee boobo, i ma yee ka hanj za tilamoo tee ka ben. Hanjandoo ga hima ka tee zaari kul hala tamaatoo ma too nga boj.

Ziiboo danyanoo

War ma doona ka ziibi danj laboo ra hala tamaati korey ma beeri ka ben.

Jer bundey

Guusu foo kul ga hima a ma bara nda nga bundoo kanj ga tamaati korey ga jer. Woo no m'i ganji i ma taabu, a ga ngey beeraa faalandi. Bundoo kanj ga tamaati korey ga hawa ga hin ka too hala meetar 2.

Tamaati korey kulayanoo

War masi yadda fitawey ma zay tamaatey kunturey ga hala ngey ciroo ma kom, zama gaayaa ga hima a ma duu ey.

Hegaa

Jirbi 40 tilamoo banda ga hegaa ga hima ka sintin. Boro si fay ni ga hegay hala handu 3 wala 4 hegay jinaa banda ga.

Meetar gande 100 ga hin ka tee :

- kilo 200 hala 500 jiyaw ka huru koron ra ;
- kilo 100 ka too 250 kaydiya waate.


Tamaatoo nafaa

Tamaatoo fitawey ga ti nyaayan almaaney se izoo no borey ga muraad'a.

Tamaatoo kanbeyanoo

Tamaati taya kanbeyanoo ka gay si faala. Boro ga hin k'a jisi nongu yayna ra amma a masi bisa jirbi iyee foo.

Hala boro ga baa m'a kanbe ka gay kul kala m'a dunbu-dunbu k'a kogandi biira.



1.8. Salaatoo nda šuwoo

Jiyaw waate no salaatoo nda šuwoo ga tee ka boori. Salaati kabilawey ga boobo. Hayayaŋ goo i ra kaŋ ga ize tee nd'i nin, hayayaŋ goo i ra kaŋ fitawey ga naaga cere ga ka gurunbu tee. Ikorowey ga hima ka ŋandi za i mana nin zama nda i na gurunbu tee kul i ga hottu.

Salaatoo nda šuwoo ga hin ka huru labu kabila boobo ra amma labey kaŋ ra i ga hansa ka boori ti wey kaŋ si ti dawtaasi, i si ti labudiini. Labey din ga hima ziibi ma bara i ra kaŋ g'i kaanandi, waani-waani azotoo. Salaatoo nda šuwoo si baa labu kan ra dawciri goo, i si baa labu kaŋ ga ciiri-ciiri, hari dandi mo si i nafa.

Ngey goyoo misey

laboo sooluyanoo

Zafari guusa ma tee laboo se jina i m'a kanandi.

Tilamoo

Jirbi 25 hala 30 no teewey g'a tee hala i ma duu fita 5 wala 6 jina boro ma koy i tilam.

Ziiboo danyanoo

Alaada ziibi kilo 150 hala 250 wala angere kilo 2 nda jere no ma huru salaati fangalyan ra kan ngey dimmaa ti meetar 100.

Alaada ziibi kilo 300 hala 400 wala angere kilo 3 no ma huru šur fangalyan ra kan ngey hinnaa ti meetar gande 100.

Haɗandoo

Fangaley ma haɗ za tilamoo mana tee. Tilamoo banda ga i ma haɗ zaari kul alaasar baana ka huru cijinoo ra. Hari boobo nda jewgyn kul ga kate fitawey ma tonbi-tonbi.

Subu laaley zafayanoo nda laboo tunandoo

Cee 2 wala 3 no subu laaley zafayanoo nda laboo tunandoo ga hima ka tee. Woo ti za dumayanoo banda ga jirbey.

Hegaa

A ga tee jirbi 70 hala jirbi 110 tilamo banda ga.

1.8. Ncirinfoo (tonkaa, dandoo)

A ga hin ka fari jiiroo kul bande. Amma ncirinfoo si hansa ka boori kala kaydiya waate ganda konno ra zama yayni futu g'a ganji a ma zay ka boori. Laboo kan ra a ga huru masi hansa ka don amma a ma kan (alman gurunbu).

Nga goyoo misey

laboo sooluyanoo

Laboo ma kan, i ma hansa k'a tunandi.

Tilamoo

Teewey ma cindi hala jirbi 45 ka koy jirbi 60. I masinja fangaley ra nda i too santimeetar 10 hala 15.

Santimeetar 25 wala 30 ma bara guusey nda cere game.

Ziiboo danyanoo

Jirbiyye 3 wala 4 tilamoo banda ga ziibi ga huru. Angere kilo 1 nda jere no ma huru fangalyan ra kan ngey dimmaa ti meetar gande 100.

Hanandoo

Fangaley mma han jina tilamyan ma tee i ra. Hanandoo ga hima ka duumi hala ncirinfoo ma beeri ka ben.

Hegaa

Jirbi 75 tilamoo banda ga no hegaa ga tee. hegay jina banda ga ncirinfey korey si buu, i ga yee ka hay koyne.

Ncirinfoo kanbeyanoo

Boro mma a kogandi k'a kanbe

1.9. Tabaa

Banba arondismaṅoo ra tabaa ga hansa ka fari

Tabaa goyoo misey

laboo sooluyanoo

Laboo ma hansa ka zafandi, ziibi na bara a ra kaṅ g'a kaanandi. A ma ti labu kaṅ si tiṅ.

tilamoo

Nda teewey too jirbiyye 3 kul boro g'i kaa k'i tilam. A ga gar kore foo kul duu fita 6 wala 8. Santimeetar 60 ka koy meetar foo ma bara sorrowey nda cere game. Santimeetar 40 wala 50 ma bara korey nda cere game.

hanandoo

A ma tee tilamoo jine, a ma duumi tilamoo banda ga hala boosuyanoo ga.

subey zafayanoo nda laboo tunandiyanoo

Subey zafayanoo nda laboo tunandiyanoo ga tee :

- tilamoo banda ga jirbi jinawey,
- waati kaṅ dumaraa ga baa ka too nga boṅ.

Kosuyanoo

Za boosuyanoo, sintinoo ga boro ga fitawey kaa kaŋ sii nda nafaw.

Hegaa

A ga tee handu hinza tilamoo banda ga waati kaŋ fitawey sintin ka woole. Fitawey kaŋ nin mma hun nda affoo-foo.

Nga nafaa

Adama-izey hinne no ma muraad'a.


Tabaakanbeyanoo

Kala a ma kogu jina a ma huru jinay ra.

1.10. Teenaa

Teenaa ga dumandi Gaawa nda Tunbutu areežiyonɛy nongu foo-fooyan ra. Amma kidal serkiloo ra boro ga hansa ka dii a. Kidal sarkiloo goo nda teenaynaa saaji-izeyan hunday hari meeyan ga.

Tiira foo ga kaa ka fatta kaŋ teenaa fariyanoo hinne ga a tee.



1.11. dumarawey safaryanoo

a) dumarawey kaŋ ga hay laboo cire :

Za laboo mana sintin ka zafandi no boro ga safari fooyan dan a ra kaŋ se i ga nee jeldrin nda fenitoroŝon.

b) tamaatoo, salaatoo, ŝuwoo nda ncirinfoo :

Safari foo kaŋ se i ga nee unden hamnoo no boro g'a say-say fitawey ga waati kaŋ fuufuwey nda hundikoyini tana fooyan huru k'i ŋaa.

**1.12. Dumaray izey nafaa nda ngey
neereyanoo**

Dumaray-izey ga hansa ka borey nafa ngey hunaa fonda ra. Woo se ir ga hin ka nee kan tonton henna no taasey se. Dumaray fooyan goo no kan ngey hinne ga boro huna (konbiter, masaku, duuri) Saadi borey ma gaabandi ka ngey dumaray-izey naa jina i ma haya kan cindi neere. Neereyanoo serdaa sabbu se dumaray koyey ga hima ka gaabandi ka kondayyan tee, wala binde ka catte nda konday beerey kan cire ngey waney goo.